

Morning Dogri (NSD) National News Bulletin 10-11-2024

आकाशवाणी

1. झारखंड च असेंबली चुनाएं दे पैहले गेड़ लेई प्रचार तेज होई गेदा ऐ। बीजेपी दे स्टार प्रचारक ते प्रधानमंत्री नरेन्द्र मोदी होर अज्ज दऊं रैलिएं गी संबोधत करगंन।
2. महाराष्ट्र दे असेंबली चुनाएं लेई बीजेपी ते महा विकास अघाड़ी अज्ज अपने अपने घोषणा पत्र जारी करगंन।
3. भारत दे 7 शिक्षा संस्थाने क्यू.एस. वर्ल्ड यूनिवर्सिटी रैंकिंग : एशिया 2025 च आलमी सतह दे 100 संस्थानें च थाहर हासल कीती ऐ।
4. कनाडा सरकार नै देसै च रिहायश ते संसाधनें दी कमी गी दिक्खदे होई Student Direct Stream—एसडीएम वीजा कार्यक्रम गी बंद करने दा ऐलान कीता ऐ।
5. जूडो च हांगकांग च सीनियर एशियाई जूडो ओपन प्रतियोगिता च भारती खडारिएं कैह दे 3 तगमे जित्ते न।
6. टेबल टेनिस च भारत दी सिन्धेला दास नै इटली च डब्ल्यूटीटी यूथ कंटेंडर च कुड़िएं दे अंडर-15 दा सिंगल्स दा खताब जित्ती लैता ऐ।

<><><><><><>

Jharkand

झारखंड च विधानसभा चुनाएं दे पैहले गेड़ लेई प्रचार जोरें पर ऐ। राष्ट्री जनतांत्रिक ते इंडी गठबंधन दौनें दे मुख् चचारक वोटरे गी अपनी बक्खी आकर्शित करने दी कोई कसर बाकी नै छोड़ा रदे न। बीजेपी दे वरिष्ठ लीडर ते प्रधानमंत्री नरेन्द्र मोदी अज्ज झारखंड च दऊं रैलिएं गी संबोधत करगंन ते ते इक रोड शो च हिस्सा लैगन। प्रधानमंत्री हुंदी पैहली चुनावी सभा बोकाटो दे चंदनकियाटी विधानसभा हल्के दे चांदीपुर फुटबाल मैदान च दपैहरी 1 बजे जिल्ले के दूई चुनावी सभा गढ़वा दे एटोड्रम मैदान च दपैहरी सवा त्रै बजे होग। प्रधानमंत्री होर संजा सवा 5 बजे रांची च रोड शो करगंन। तोआई जामुगो दे वरिष्ठ लीडर

हेमंत सोरेन भवनाथपुर, तमाड ते बिजट च जलसे गी संबोधत करगंन, जेल्लै के राजद दे वरिष्ठ नेता तेजस्वी यादव चतरा दे हंटरगंव च लोकें गी संबोधत करगंन।

<><><><><><>

Amit Shah

केन्द्री गृहमंत्री अमित शाह होर अज्ज मुंबई च महाराष्ट्र विधानसभा चुनां लेई पार्टी दा घोषण पत्र जारी करगंन। इस दरान ओह उत्तरी महाराष्ट्र ते विदर्भ क्षेत्र दे जलगांव गुलदाना ते अमरावती च त्रै रैलिएं गी बी संबोधत करगंन।

<><><><><><>श

Congress

कांग्रेस अध्यक्ष मल्लिकार्जुन खरगे अज्ज मुंबई च महाराष्ट्र विधानसभा चुनां लेई महा विकास अधाड़ी दा घोषणा पत्र जारी करगंन। इस कार्यक्रम च अखिल भारतीय कांग्रेस समिति—एआईसीसी दे महासचिव के.सी.वेणुगोपाल, पार्टी दे महाराष्ट्र प्रभारी रमेश चेन्निथला, महाराष्ट्र प्रदेश कांग्रेस कमेटी दे प्रधान नाना पटोले, विधायक दल दे लीडर बाबा साहब थोराट राष्ट्रवादी कांग्रेस पार्टी शरद पवार गुट दे प्रदेश अध्यक्ष जयंत पाटिल मुंबई कांग्रेस अध्यक्ष वर्षा गायकवाड, शिवसेना उद्धव बाला साहेब ठाकरे गुट दे सांसद संजय राउत होर मजुद रौंहगन। एह घोषणा पत्र साबका मुखमंत्री पृथ्वीराज चव्हाण, साबका सांसद ते योजना आयोग दे साबका मिंबर भालचन्द्र मुंगेरकर ते राष्ट्रवादी कांग्रेस पार्टी—शरद पवार गुट दियां साबका सांसद वंदना चव्हाण हुंदी प्रधानता आली कमेटी नै तैआर कीता ऐ।

<><><><><><>श

University Ranking

भारत दे 7 शिक्षा इदारेणें आलमी सतह दे 100 संस्थानें च थाहर हासल कीती ऐ। क्यू.एस. वर्ल्ड यूनिवर्सिटी रैंकिंग : एशिया 2025 नै दुनिया दे आला दर्जे दिएं 100 यूनिवर्सिटीएं दी सूचि जारी कीती ऐ। एहदे च भारती प्रौद्योगिकी संस्थान आईआईटी दिल्ली नै 44मीं थाहर हासल कीती ऐ जदके आईआईटी बाम्बे 48मीं थाहरै पर ऐ। आईआईटी मद्रास, आईआईटी खड़गपुर, आईआईटी कानपुर ते दिल्ली यूनिवर्सिटी बी इनें आला दर्जे दे 100 इदारेणें च जगह बनाने च कामयाब रेह न। एहदे अलावा आईआईटी गुवाहटी, आईआईटी रुड़की, जवाहर

लाल नेहरू यूनिवर्सिटी, चंडीगढ़ यूनिवर्सिटी, यूपीईएस ते वेल्लोर इंस्टीच्यूट ऑफ टैक्नालोजी जनेह इदारे आला दर्जे दे 150 इदारे च शामिल कीते गे न।

<><><><><><>

Kartarpur

भारत पाकिस्तान बश्कार बने दे करतारपुर साहब लांगे गी अज्ज 5एं ब'रें मुकम्मल होइ गे न। एह लांगे पाकिस्तान दे नारोगव जिले दे श्री करतारपुर साहब गुरुद्वारे तगर जंदा ऐ जित्थें पैहले सिक्ख गुरु गुरु नानक देव जी होरें 180 ब'रे बताए हे।

<><><><><><>श

J&K Army Chief

सेना प्रमुख जनरल उपेन्द्र द्विवेदी होरें कल कठुआ जिले च मजूदा सुरक्षा स्थिति दी समीक्षा कीती। आकाशवाणी दे जम्मू संवाददाता नै खबर दित्ती ऐ जे पंजाब ते हिमाचल प्रदेश दी सरहद कन्नै लगदे कठुआ च सेना प्रमुख हुंदा एह दौरा जम्मू क्षेत्र च आतंकवाद विरोधी अभियान दरान लगा'रदा ऐ।

<><><><><><>श

Canada Visa

कनाडा सरकारै Student Direct Stream—एसडीएस कार्यक्रम गी बंद करने दा ऐलान कीता ऐ। एसडीएस योजना कनाडा च शिक्षा हासल करने दे ख्वाहिशमंद अंतर्राष्ट्री विद्यार्थीएं लेई इक प्रमुख जरिया ऐ। कनाडा सरकार दे ऐकड़े फैसले कन्नै भारत दे कन्नो कन्नी दुनिया भरै दे विद्यार्थी प्रभावत होंगन। ऐसा मन्नेआ जा करदा ऐ जे कनाडा च चले करदी हरियिश ते साधने—वसीलें दी कमी गी दिखदे होई एह गैह पुट्टी गई ऐ। एसडीएस कार्यक्रम गी ब7रे 2018 ६ इमिग्रेशन, रिफजीएं एंड सिटिज़न शिप कनाडा आस्सेआ शुरू कीता गेआ हा। इसी कनाडा च पढ़ाई लेई औने आले 14एं मुख्यें दे विद्यार्थीएं दी आवदेन प्रक्रिया च तेजी आनने लेई तैआर कीता गेआ हा। इनें देसें च भारत, ब्राजील, चीन, कोलंबिया, कोस्टारिका, मोरक्को, पाकिस्तान, पेरू, फिलीपींस ते वियतनाम जनेह देश शामिल न। जारी इक ब्यान च कनाडा सरकार नै आखेआ ऐ जे सब्बनें गी इक बरोबर दे मौके उपलब्ध करोआने लेई इस कार्यक्रम गी फौरी तौर पर बंद करने दा फैसला लैता गेआ ऐ।

<><><><><><>

Pakistan

पाकिस्तान दे बलोचिस्तान च इक रेलवे स्टेशन पर कल होए दे बम्ब धमाके च घट्टोघट्ट 25 लोकें दी मौत होई गई ते तकरीबन 50 लोक जख्मी होए न। एह धमाका उसलै होआ जिसलै इक रेल क्वेटा स्टेशन थमां पेशावर लेई रवाना होने आली ही। बक्खवादी समूह बलोचिस्तान लिबरेशन आर्मी बीएसए नै इस आतमघाती हमले दी जिम्मेदारी लैती ऐ। बीएसए नै आखेआ जे ओह्दा लक्ष्य पाकिस्तान फौज दी इक यूनिट गी नशाना बनाना हा, जेह्दी सिखलाई हासल करने परैत क्वेआ थमां परतोआ'रदी ही पुलस दा गलाना ऐ जे मरोने आलें च 14 फौजी बी शामिल न।

<><><><><><>

Encounter

जम्मू कश्मीर च बारामुला जिले दे सोपोर कस्बे च कल सुरखा बलें ते आतंकवादिएं बश्कार भखे दे टाकरे च इक आतंकवादी मारेआ गेआ जिल्ले के 2—3 आतंकवादिएं दे अर्जे गी उत्थें छप्पे दे होने दी शेंका ऐ। अधिकारिएं दस्सेआ ऐ जे कल संजा सोपोर दे रामपोरा इलाके च सुरक्षा बलें ते आतंकवादिएं बश्कार बड़ी मती गोलीबारी होई। इलाके च आतंकवादिएं दी मजूदगी बारे सूह् थ्होने परैत सेना, सीआरपीएफ ते पुलस बलें इक सांझा तपाशी अभियान चलाया हा जिस दरान टाकरा रंभ होआ।

<><><><><><>श

Hongkong

हांगकांग च खेड्डे जा'रदे सीनियर एशियन जूडो ओपन च भारती खडारिएं कैह् दे 3 तगमे जित्ते न। महिलाएं दे 42 किलोग्राम भार वर्ग च भारत दी एंजेल यादव नै मेजबान देश दी लारु वान लोक गी हराया। मर्दे दे 6. किलोग्राम भार वर्ग च भारत दे जतिन होरें कुवैत दे हबीब हसन गी हराइयै कैह् दा तगमा जित्तेआ। भारत दे सौरभ होरें 73 किलोग्राम भार वर्ग च अमरीका दे बिलेगट एरडेनेट सोगट गी हराइयै कैह् दा तगमा अपने नां कीता।

<><><><><><>श

Table Tennis

टेबल टेनिस च भारत दी सिद्धेला दास नै इटली दे लिम्पसपसे साबियाडोरो च डब्ल्यूटीटी यूथ कंटेडर च 15एं ब8रे दी बरेसू कोला एठला गुल्स सिंगल्स दा खताब अपने नां कीता। उनें कल रातीं फाइनल च हमवतन दिव्यांशी भौमिक गी 3–2 कन्नै हराया।

<><><><><><>

Cricket

क्रिकेट च भारत ते दक्खन अफ्रीका बश्कार चरुं मैचें दी टी–20 श्रृंखला दा दूआ मैच अज्ज संजा गी गकेबरहा च खेड्डेआ जाग। मैच भारतीय समे मताबक रातीं साढ़े 8 बजे थमां खुड्डेआ जाग। शुक्रवार गी खेड्डे गेदे पैहले मैच च भारत ने मेजबान टीम गी 61एं रंजें कन्नै हराया हा।

<><><><><><>

Biden-Trump

अमरीका च नमें चुनोए दे राष्ट्रपति डोनाल्ड ट्रंप बुधवारै मजूदा राष्ट्रपति जो बाइडेन हुंदे कन्नै मलाटी लांगन। व्हाइट हाउस दियां प्रेस सचिव कैटिन जीन पियरे होरें सोशल मीडिया पोस्ट च दस्सेआ जे एह् मलाटी मकामी समें मताबक बडलै 11 बजे लगोग। श्री ट्रंप ते श्री बाइडेन बश्कार एह् इक औपचारिक मलाटी ऐ। डोनाल्ड ट्रंप होर 20 जनवरी 2025 गी राष्ट्रपति दा औहदा सांभगन।

<><><><><><>